



A: Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA TEŠANJ  
OPĆINSKI NAČELNIK  
Trg Alije Izetbegovića 11, 74260 Tešanj

Broj: 01-\_\_\_\_\_/12  
Datum: \_\_\_\_\_.2012. godine

## **PRIJEDLOG**

Na osnovu člana 14. i 78. Statuta Općine Tešanj ("Službeni glasnik Općine Tešanj" broj 11/07), Općinsko vijeće Tešanj na svojoj \_\_\_\_ sjednici održanoj dana \_\_\_\_ 2012. godine, donosi

### **ODLUKU o višegodišnjem finansiranju projekta**

#### **Član 1.**

Ovom Odlukom Općinsko vijeće Tešanj pokreće aktivnosti na realizaciji projekta „**Izrada stručnih podloga za prvu fazu snabdijevanja vodom općine Tešanj (iznalazjenje dodatnih 20l/s) uz provođenje istražnih radova ( I faza)**“ koji će se realizovati kroz period od dvije budžetske godine u visini od ukupne procijenjene vrijednosti od **180.000,00 KM (stotinuosamdesethiljada KM)**.

#### **Član 2.**

Ovlašćuje se Općinski načelnik da izvrši raspisivanje javnog poziva za odabir izvođača i potpisivanje ugovora za realizaciju navedenog projekta u cijelosti do iznosa navedenog u članu 1. Odluke.

Finansiranje projekta će se vršiti na jedan od 2 načina:

- iz sredstava Fonda za zaštitu okoliša FBiH u slučaju odobravanja sredstava po Javnom konkursu za sufinansiranje programa, projekata i sličnih aktivnosti iz oblasti zaštite okoliša za 2012. godinu ili
- iz planiranih sredstava budžeta općine za 2012. godinu od 50.000,00 i preostalo iz sredstava budžeta za 2013. godinu koja će biti naknadno planirana i uključena u izradi budžeta.

#### **Član 3.**

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**PREDSJEDAVAJUĆI VIJEĆA  
Esmir Subašić**

# OBRAZLOŽENJE

## I – PRAVNI OSNOV

Pravni osnov za donošenje ovog Zaključka sadržan je u:

- članu 14. i 78. Statuta Općine Tešanj („Službeni glasnik Općine Tešanj“ broj 11/07),

## II – RAZLOZI ZA DONOŠENJE

Nedostatak pitke vode na teritoriji Tešnja i bez daljeg širenja vodovodne mreže predstavlja jedno od najvažnijih pitanja za Općinu. Učestala pogoršanja situacije i širenje mreže iziskuje hitno rješavanje pitanja iznalaženja većih količina pitke vode za eksploataciju.

Shodno tome pripremljen je za realizaciju navedeni projekt koji se ne može dijeliti i parcijalno ugovarati po fazama, tako da je neophodno ugovaranje cjelokupnog projekta u okviru jednog postupka. Ugovaranje u narednom periodu bi dovelo do realizacije projekta u tekućoj i narednoj godini i zahvatanja sredstava iz dva budžeta na način kako je to navedeno u članu 2., stav 2., alineja 2. prijedloga odluke.

Pored toga raspisan je *Javni konkurs za sufinansiranje programa, projekata i sličnih aktivnosti iz oblasti zaštite okoliša za 2012. godinu* na koji je Općina aplicirala sa realnim šansama za odobravanje sredstava. Na taj način bi finansiranje bilo vršeno iz grant sredstava Fonda za zaštitu okoliša FBiH bez dodatnog izdvajanja iz budžeta za tekuću i narednu godinu ili bi se vršilo sufinansiranje iz oba izvora (budžet i grant sredstva).

U oba slučaja je potrebno obezbijediti i odgovarajuću odluku Općinskog vijeća kojom se iskazuje namjera za realizaciju navedenog projekta. Kako predložena forma odluke zadovoljava obje varijante finansiranja i obezbjeđuje ubrzanu realizaciju aktivnosti, te mogućnost obezbjeđenja grant sredstava predlaže se usvajanje ove odluke.

### OBRAĐIVAČ:

Službaza finansije, privredu i inspekcije  
Hojkurić Hamzaliya, dipl.ecc.

---

### PREDLAGAČ:

OPĆINSKI NAČELNIK  
Fuad Šišić, dipl.ing.maš.

---

Broj: \_\_\_\_\_/12

Datum: 27.07.2012. godine